

ANUNCIO PARA CONTRATACIÓN DE PERSOAL LABORAL CON CARÁCTER TEMPORAL

Posto: Profesor de **Música e movemento** durante o resto do presente curso escolar (2016-2017) por atoparse vacante o posto por renuncia voluntaria da persoa que o desempeñaba.

MATERIA	HORAS INDIVIDUAIS	HORAS COLECTIVAS	TITORÍAS/ CLAUSTROS	TOTAL HORAS	Nº DE DÍAS Á SEMANA
Música e Movemento	-----	9,00 h.	1,50 h.	10,50	3 días (*)

* Horario xa marcado pola dirección do centro.

REQUISITOS DOS ASPIRANTES:

Xerais: Cumprir os requisitos de nacionalidade, idade e capacidade funcional previstos nos artigos 56 e ss. do Estatuto Básico do Empregado Público (RDL 5/2015, de 30 de outubro).

Específicos: Ademais dos establecidos con carácter xeral para o acceso á Función Pública na lexislación vixente será necesario estar en posesión da titulación correspondente a mestre especialista en educación musical ou de calquera das titulacións sinaladas na Circular 12/2006 pola que se establecen as titulacións que deberá posuír o profesorado que imparta a docencia nas Escolas de Música e de Danza da Comunidade Autónoma de Galicia.

FUNCIÓNS: As propias na súa categoría profesional no ámbito da Escola Municipal de Música e Danza, concretamente a impartición durante o período de substitución das clases pertinentes na disciplina ou especialidade de Música e Movemento así como o desenvolvemento das labores inherentes ao posto relativas á xestión administrativa e demais traballos necesarios conforme ás directrices que se fixen ao longo do período pola Dirección da Escola e Concellaría-Delegada correspondente.

TIPO DE CONTRATO E PRAZO: Obra ou Servizo determinado (RD 2720/1998, de 18 de decembro, artigo 2º). Ata remate curso escolar 2016-2017 o 30 de xuño de 2017.

RETRIBUCIÓN: As retribucións mensuais íntegras serán de 11,765 € brutos/hora de traballo efectivo.

CRITERIOS DE SELECCIÓN:



1.- PROBA TIPO TEST:

Constará dun exercicio tipo test de 20 preguntas que versará sobre coñecementos específicos relacionados coas funcións e tarefas a desenvolver neste posto segundo o temario que se sinala.

O tempo máximo para realizar esta proba será de 50 minutos.

Cualificarase de 0 a 10 puntos, sendo necesario para superar este exercicio obter como mínimo 5 puntos. De non obterse será causa de exclusión e non se procederá á valoración dos méritos aportados.

Por cada dúas respostas incorrectas descontarase unha correcta.

Este exercicio é obrigatorio e eliminatorio.

TEMARIO

- 1.- Orde do 11 de marzo de 1993, pola que se regulan as condicións de creación e funcionamento das escolas de música e danza da comunidade autónoma de Galicia.
- 2.- Organización municipal. Competencias dos concellos. O Pleno, o Alcalde.
- 3.- Ideas xerais do procedemento administrativo local.
- 4.- Dereitos e deberes dos empregados públicos. Retribucións, permisos, licenzas, incompatibilidades.
- 5.- A música como parte do desenvolvemento integral do neno/a.
- 6.- O xogo como actividade de ensinanza e aprendizaxe na educación musical.
- 7.- Os instrumentos musicais escolares. Familias de instrumentos. O corpo como instrumento. Instrumentos de construción propia.
- 8.- Música e movemento: Parámetros do movemento. O xesto na música.
- 9.- Fundamentos psicopedagóxicos da educación musical.
- 10.- A actividade musical como compensadora das desigualdades educativas. Principios básicos de intervención.

2.- PROBA PRÁCTICA:

Consistirá na elaboración e posterior exposición oral dunha unidade didáctica relacionada coa especialidade á que se presenta. Disporá dun tempo máximo de 45 minutos para a súa elaboración e posteriormente deberá facer unha exposición oral sobre a mesma nun tempo máximo de 10 minutos.

Valorarase ata un máximo de 10 puntos.

Para a superación da proba precisarase obter a lo menos 5 puntos. De non obterse será causa de exclusión e non se procederá á valoración dos méritos aportados.

3. EXERCICIO GALEGO.- De carácter obrigatorio e non eliminatorio consistirá na tradución directa do castelán ao galego ou á inversa dun texto proposto polo Tribunal inmediatamente antes de celebrarse o exercicio, nun tempo máximo de 20 minutos, e sen axuda de dicionario.

Este exercicio cualificarase cun máximo de 2 puntos.

***Quedarán exentos de celebrar este exercicio aqueles aspirantes que aporten antes da súa celebración título oficial de coñecemento do galego, nivel Celga 4 que se valorará con 2 puntos.**

4.- VALORACIÓN DE MÉRITOS:

a). Por cursos relacionados coa actividade a desenvolver no posto de traballo impartidos pola Administración Pública ou entidades delas dependentes ou homologados, ata un máximo de 2 puntos.

- a. Cursos de máis de 100 horas.....0,75 puntos.
- b. Cursos de 70 a 100 horas..... 0,50 puntos.
- c. Cursos de 40 a 70 horas..... 0,35 puntos.
- d. Cursos de 15 a 40 horas..... 0,20 puntos.
- e. Cursos de menos de 15 horas..... 0,10 puntos.
- f. Cursos, xornadas, etc. nos que non figure o número de horas.....0,05 puntos.

TRIBUNAL AVALIADOR.

Presidente: D. Marcos Galán Piñeiro, vicedirector do Conservatorio Profesional de Música Xan Viaño de Ferrol.

Suplente: D. Luis Rodil Fernández, Profesor do Conservatorio de Música de Viveiro_

Vogais:

Titular: D. Francisco San Ramón Calvo, director do Conservatorio Profesional de Música Xan Viaño de Ferrol.

Suplente: D^a Monica Barcia Paredes, Axente de Emprego e Desenvolvemento Local de Ribadeo.

Titular: D. Enrique Agrelo Otero, xefe de estudos do Conservatorio Profesional de Música Xan Viaño de Ferrol.

Suplente: Dona Verónica Fernández Pérez, Encargada da Oficina Municipal de Información Xuvenil (OMIX) de Ribadeo.

Secretario con voz e sen voto: Titular: D. José Antonio Carro Asorey, Secretario Xeral da Corporación.

Suplente D. José Rodil Veiga, Técnico de Administración Xeral, Secretario en funcións da Corporación.

DOCUMENTACION A PRESENTAR:

Impreso oficial de solicitude (que se facilitará nas oficinas Concello), DNI, xustificante dos requisitos esixidos (titulación/s, carné/s, etc.), relación de méritos alegados e xustificante acreditativo suficiente de cada un dos mesmos (deberá aportarse contrato/s ou certificado/s dos servizos prestados, curso/s realizado/s, etc.).

Toda esta documentación deberá achegarse polos interesados en orixinais e copia para

a súa compulsa ou copia xa compulsada.

PRAZO DE PRESENTACIÓN, LUGAR E DATA DAS PROBAS: A solicitude e documentación presentárase como máximo ata as 14:00 horas do 22 de febreiro de 2017 no Rexistro Xeral de Entrada de documentos do Concello.

As probas e selección realizaranse o día 6 de marzo de 2017 a partir das 10:30 horas na Casa do Concello.

Os/as aspirantes que resulten seleccionados/as deberán, de xeito previo á sinatura do contrato laboral temporal, pasa-lo recoñecemento médico procedente nos servizos médicos de prevención deste Concello (Mutua Gallega) co fin de acreditar non padecer enfermidade ou defecto físico ou psíquico que impida o desempeño das funcións, sen cuxo requisito non se poderá formaliza-lo contrato de traballo.

Igualmente o/a aspirante seleccionado/a, unha vez asinado o contrato correspondente, quedará suxeito ao réxime de incompatibilidades nos termos establecidos na Lei 53/1984, de 26 de decembro de Incompatibilidades do persoal ao Servizo das Administracións Públicas e demais lexislación de aplicación.

Ribadeo, 16 de febreiro de 2017.

O ALCALDE,

Asdo. FERNANDO SUÁREZ BARCIA.

(documento asinado electronicamente á marxe)